

Ҳеч бир жон Аллоҳнинг изнисиз ўлмас

16:09 / 03.11.2018 3195

Аллоҳ таоло Оли Имрон сурасида шундай марҳамат қилади:

مُؤَجَّلًا كِتَبًا أَللَّهِ بِإِذْنِ إِلَّا تَمُوتَ أَن لِنَفْسٍ كَانَ وَمَا

ثَوَابَ يُرِدُ وَمَن مِنْهَا نُؤْتِهِ أَلَّذِي نَيْمَانَ ثَوَابَ يُرِدُ وَمَن

الشَّاكِرِينَ وَسَنَجِزِي مِنْهَا نُؤْتِهِ الْآخِرَةُ ١٤٥

“Ҳеч бир жон Аллоҳнинг изнисиз ўлмас. Ёзилган ажал ўлароқ. Ким бу дунёниг савобини истаса, унга ўшандан берурмиз. Ким охиратниг савобини истаса, унга ўшандан берурмиз. Ва шукр қилувчиларни албатта мукофотлармиз”. (Оли Имрон сураси, 145-оят).

Сизлар ўлимдан қўрқиб, урушни ташлаб, қочиб юрибсизлар. Ҳолбуки, Аллоҳнинг изнисиз бирорта одам ўлмайди. Қачонки Аллоҳ жон олевчи фариштага изн бергандагина, унинг жонини олади.

«Ёзилган ажал ўлароқ» - маълум ва белгиланган муддатдир. Ўлим ундан аввал ҳам, кейин ҳам келмайди. Балки айнан белгиланган вақтда келади. Шунинг учун қўрқмасдан, душман билан урушаверишингиз керак эди.

Құрқоқлик ажални чүзіб юбормайды. Шижаат ҳам умрни камайтириб қўймайды.

Шундай бўлганидан кейин ҳамма охирати учун нима тайёрлаб қўйганига қарасин. Қилган амалига қараб, самарасини теради.

«Ким бу дунёning савобини истаса, унга ўшандан берурмиз».

Ким бу беш кунлик дунёning дардида юрган бўлса, иймон йўлини тарк қилиб, ҳайвон каби, бу дунё матоҳларидан фойдаланишни ўзининг олий мақсади қилиб олган бўлса, унга ўша хоҳлаган нарсаси берилади.

Лекин белгиланган ажалидан ортиқ яшай олмайды. Охиратига ҳеч нарса қолмайди.

«Ким охиратнинг савобини истаса, унга ўшандан берурмиз».

Кимки олий уфқларга интилса, бу беш кунлик дунёning тор доираси билан чегараланиб қолмай, охиратнинг чексиз ҳаётига ҳам интилса, иймон йўлини ўзига йўл тутиб, ҳақиқий инсон бўлиб ҳаёт кечирса, ушбу ҳаёти давомида охират савобига эришишни ўзининг олий мақсади қилиб олган бўлса, унга ўша хоҳлаган нарсаси берилади. Лекин у ҳам ажали етганда ўлади.

«Ва шукр қилувчиларни албатта мукофотлармиз».

Инсон зотини улуғлаган Аллоҳга шукр қилиб, ҳайвонлик даражасидан инсонлик даражасига кўтарилиб, иймон йўлини тутганларга Аллоҳнинг муносиб мукофотлари бўлади.